


Candidate Name: _____

--	--



2015 Preliminary Examination 2

Pre-university 3

BAHASA DAN KESUSASTERAAN MELAYU
Kertas 1 (Bahagian 2)

9558/1
(Part 2)

MALAY LANGUAGE AND LITERATURE
Paper 1 (Part 2)

2nd Sept 2015

3 hours
(Total Time for Part 1 and Part 2)

Additional Materials: Answer Paper
 String

ARAHAN UNTUK CALON

Sila lihat arahan yang terdapat dalam Bahagian 1.

ARAHAN: Jawab SEMUA soalan.

SOALAN 5 (30 markah)

Arahan: Baca petikan karangan di bawah ini dengan teliti.

50 tahun telah berlalu sejak kemerdekaan dan Singapura masih terus diiktiraf sebagai sebuah oasis keharmonian. Pengkritik sistem politik Singapura telah mengaitkan kejayaan cemerlang ini dengan tanggapan bahawa Singapura ialah sebuah negara berciri autoritatif. Jelasnya, pemerintah menggunakan cara yang tegas dalam menangani hal keharmonian agama manakala masyarakat berpegang teguh pada undang-undang dan taat sepenuhnya kepada pihak berkuasa. Ketegasan pemerintah sememangnya wajar kerana keharmonian agama di dalam sebuah negara kecil seperti Singapura terlalu penting dan tidak sepatutnya diambil remeh.

Bagaimanapun, salah satu faktor yang tidak ditekankan oleh para pengkritik ialah komitmen tinggi golongan pemimpin agama demi memelihara keharmonian. Pengaruh mereka untuk mewujudkan sekitaran yang positif antara agama adalah lebih signifikan daripada instrumen berkuasa berupa undang-undang yang terdapat di negara ini. Keharmonian agama dalam kalangan masyarakat majmuk Singapura banyak bergantung pada perasaan muhibah dan toleransi. Kepimpinan ke arah keharmonian agama setakat ini telah dibina atas ilmu yang tidak begitu mendalam terhadap tradisi agama masing-masing dan sikap inklusif terhadap agama yang lain.

Keadaan ini mencetuskan kebimbangan kerana Singapura akan menghadapi dunia yang tidak menentu dalam masa 50 tahun akan datang. Ancaman luaran dari segi fundamentalisme dan kepelbagaian agama akan menguji hubungan antara agama di Singapura. Keharmonian yang wujud dalam kalangan komuniti agama pada masa akan datang perlu kukuh dan berdaya tahan. Ia perlu berasaskan pemahaman antara agama, sikap inklusif yang kuat antara agama dan sifat saling bergantung antara satu sama lain.

Bagi mencapai matlamat ini, seorang pakar agama global, Dr Paul Knitter, telah mencadangkan suatu bentuk pemikiran. Menurut beliau, dalam kehidupan berbilang agama, setiap kaum tidak seharusnya berasa lebih unggul daripada kaum yang lain, apatah lagi mendominasinya. Sifat rendah hati dan bekerjasama mampu menjamin kejayaan semua anggota masyarakat dalam pertembungan antara satu sama lain. Pemikiran sebegini bakal memupuk kegembiraan mempunyai orang beragama lain di sekeliling dan penerimaan bahawa agama lain juga berharga.

Perasaan rendah hati ini membolehkan seseorang melihat 'permata' dalam agama-agama lain. Banyak boleh dipelajari daripada agama lain kerana kebenaran dan kebaikan boleh didapati dalam semua agama. Terdapat kebimbangan bahawa penemuan kebaikan dan kebenaran dalam agama-agama lain akan melemahkan komitmen seseorang terhadap agamanya sendiri. Walhal, pembelajaran antara agama boleh memperkaya dan mengukuhkan cinta seseorang terhadap agama sendiri. "Sesiapa yang mengetahui satu agama sebenarnya tidak mengetahui apa-apa." Begitulah menurut ilmuan terkenal William Cantwell Smith. Perasaan saling bergantung akan menjadi lebih kuat apabila manusia saling mendapat manfaat daripada hubungan antara agama. Keadaan ini akan mengeratkan hubungan antara anggota masyarakat berbilang kaum dan terus memupuk keharmonian. Hakikatnya, hubungan antara agama mewujudkan kesatuan dalam kepelbagaian.

(dipetik dan diubah suai daripada esei 'Pemimpin Agama Main Peranan Penting bersama Negara dalam Mengekalkan Keamanan Sosial', oleh Alami Musa, BH, 6 Ogos 2015)

Arahan: Berdasarkan petikan karangan di halaman 2, jawab soalan-soalan yang berikut dengan menggunakan ayat kamu sendiri. Kemudian, tulis jawapan kamu pada kertas jawapan yang disediakan.

- (a) Apakah faktor-faktor penyumbang kepada keharmonian yang dinikmati Singapura?
(6m)
- (b) Keharmonian agama berasaskan perasaan muhibah dan toleransi tidak lagi memadai. Huraikan pernyataan ini.
(6m)
- (c) Mengapakah bentuk pemikiran yang dicadangkan Dr Paul Knitter wajar dianjurkan kepada masyarakat Singapura?
(6m)
- (d) Penemuan kebaikan dan kebenaran dalam agama-agama lain membawa manfaat. Jelaskan.
(6m)
- (e) Terangkan maksud perkataan-perkataan berikut menurut konteks petikan yang diberikan :
(6m)
 - (i) remeh
 - (ii) muhibah
 - (iii) memperkaya

SOALAN 6 (15 markah)

Berdasarkan petikan karangan di halaman 2, ringkaskan isinya supaya menjadi tidak lebih daripada 100 patah perkataan. Seberapa boleh, gunakan ayat kamu sendiri.

(lihat halaman sebelah)

SOALAN 7 (10 markah)

Arahan: Dalam petikan karangan di bawah ini terdapat 10 tempat kosong. Isi setiap tempat kosong ini dengan perkataan yang sesuai mengikut konteks petikan karangan tersebut. Kemudian, tulis jawapan kamu mengikut susunan perkataan dalam petikan karangan pada kertas jawapan yang disediakan.


Harapan Singapura untuk menjadi sebuah negara sukan seperti New Zealand, Switzerland dan Belgium kerap diuar-uarkan. Dengan kejayaan cemerlang yang dikecap Team Singapore setakat ini, semangat dan harapan **(a)**_____ sukan sebagai salah satu tiang utama negara ini kian membara. Namun begitu, seringkali **(b)**_____ keprihatinan tentang tempoh menjalani perkhidmatan negara (NS) **(c)**_____ dua tahun, yang menjejaskan pembangunan bakat sukan tempatan. Persoalan ini tidak mudah dihuraikan kerana NS memang penting dan menjadi tunggak **(d)**_____ dalam pertahanan negara. Hal ini memandangkan saiz dan penduduk negara ini yang kecil dan memerlukan **(e)**_____ warga lelaki yang sihat berupaya untuk mempertahankan watan. Dalam hal ini, terdapat negara-negara lain yang juga **(f)**_____ dilema yang sama dan mereka melaksanakan beberapa langkah bagi mengimbangi antara **(g)**_____ pertahanan dan sukan. Ini termasuk penundaan bagi atlit yang menunjukkan potensi dan prestasi baik. **(h)**_____, ada segelintir atlit yang diberi pengecualian disebabkan kejayaan cemerlang yang diraih dalam pertandingan sukan **(i)**_____ antarabangsa. Namun, apa jua saranan dan huraian, ia tidak **(j)**_____ menjejaskan keberkesanan NS, dan pada masa yang sama, tidak menjejaskan pembangunan bakat seorang atlit. Hanya setelah itu, harapan kita untuk menjadi sebuah negara sukan mampu menjadi kenyataan.

(dipetik dan diubah suai daripada artikel 'Semak NS agar Atlit Boleh Capai Prestasi Lebih Cemerlang' oleh Mohd Noor Rahman, BH, 4 Julai 2015)

Soalan 8 (10 markah)

Teliti perangkaan berikut. Kemudian, alih bentuk teks ini menjadi teks prosa dengan menggunakan **80-100 patah perkataan**.


Bentuk-bentuk Keluarga yang Tinggal Serumah di Singapura, 1990-2010



TAHUN	PASANGAN		TINGGAL SENDIRIAN (%)	*LAIN-LAIN (%)
	Mempunyai anak (%)	Tanpa anak (%)		
1990	66.5	8.4	5.1	20.0
1995	67.5	8.9	5.0	18.6
2000	62.2	12.0	8.3	17.5
2005	59.0	13.3	10.0	17.7
2010	56.0	13.7	12.3	18.0

*terdiri daripada ibu/bapa tunggal dan anak-anak mereka atau bentuk-bentuk keluarga lain

Pembahagian Usia Ketua Keluarga (2010)



(sumber : dipetik dan disesuaikan daripada Buletin Statistik Singapura 2014)

SELESAI

(lihat halaman sebelah)

